

SCRIPT OF EVENING GOJRI NEWS BULLETIN 30APRIL 2025

1700HRS

اونینگ گو جری نیوز بلیٹن مورخہ 30 اپریل 2025

یوہ آکا شوانی جموں بے نصرت تے ظفر اقبال تیں خبر سُنو۔

HEADLINES

- ۱۔ وزیر اعظم نریندر مودی غی زیر صدارت اج دہلی مانہ مرکزی کابینہ غو اجلاس ہوو۔
- ۲۔ بھارت پلک ممبئی مانہ ویوز ۵۲۰۲ غی میزبانی کرے گو وزیر اعظم نریندر مودی اس تقریب گو افتتاح کریں گا۔
- ۳۔ وزیر اعلیٰ عمر عبداللہ نے اج جموں کشمیر مانہ اہم قومی شاہراہ تے ایکس پریش وے منصوبیاں غی پیش رفت غو جائیزو لئو۔
- ۴۔ لیفٹیننٹ جنرل پرتیک شرما ۱ مئی توں شمالی کمان غا نوا جنرل آفیسر کمانڈنگ گو عہدو سنبھالں آلا ہیں۔
- ۵۔ جموں کشمیر بورڈ آف سکول ایجوکیشن نے اج ۲۱ ویں جماعت غا سالانہ امتحانات گا نتائج غو اعلان کیو ہے جس مانہ مجموعی طور ور پاس ہون غا تناسب 75 فی صد ریاہیں۔

CABINET MEET

وزیر اعظم نریندر مودی غی زیر صدارت اج دہلی مانہ مرکزی کابینہ غو اجلاس ہوو یاہ پہلگام دہشت گرد حملہ تیں بعد کابینہ غی پہلی میٹنگ تھی کابینہ میٹنگ مانہ لیا گیا فیصلان نانہ زرائع ابلاغ نانہ تفصیلاً دستان وان مرکزی وزیر اشونی ویشنو نے کہیو کہ سیاسی امور غی کابینہ کمیٹی نے فیصلو کیو ہے کہ آئندہ ۲ ہزار ۵۲،۶۲ چینی غی فصل یعنی گناہ غی منصفانہ تے معقول قیمت ۵۵۳ روپیہ گی کونٹل مقرر کی گئی ہے اس قیمت تیں تلے گناہ غی فروخت نی کی جاسکتی۔

WAVES SUMMIT

بھارت پلک ممبئی مانہ جیو ولد کنونشن مرکز تیں پہلی واری ولڈ آڈیو ویزول انٹرٹینمنٹ سمٹ ویوز ۵۲۰۲ غی میزبانی کرے گو وزیر اعظم نریندر مودی اس تقریب گو افتتاح کریں گا اس سمٹ گو موضوع ہے فنکاران نانہ آپس مانہ جوڈ غے دنیا غ مختلف مُلکان نانہ قریب لائو۔ اس سمٹ غو مقصد بھارت غا خبراں آلا شعبہ تفریحی مواد تے نوی ٹیکنالوجی مانہ عالمی مرکز بننو ہے اس مانہ عالمی ذرائع ابلاغ غا ماہرین غے درمیان خریداراں تے فروخت کنندگان غی ملاقات وے غی فلم او ٹی ٹی گیمنگ مصنوعی زبانت جیسا نوا منصوبہ دسیا جیں غا۔ ویوز سمٹ غو ہدف ہے کہ ۹۲۰۲ توڑی ۰۵ ارب دالر غو بازار کھولو جے جہیزو وزیر اعظم غا اُس نظریہ نانہ ظاہر کرے، جس مانہ تخلیقی صلاحیت ٹیکنالوجی تے مہارت نانہ ملا غے دنیا ور اثر کھلیو جاسکے۔

CM HIGHWAYS MEET

وزیر اعلیٰ عمر عبداللہ نے اج جموں کشمیر مانہ اہم قومی شاہراہ تے ایکس پریش وے منصوبیاں غی پیش رفت غو جائیزو لئو۔ اس جائیزہ مانہ دہلی امرتسر کٹرہ ایکسپریس وے جموں تے سرینگر رینگ روڈ تے قومی شاہراہ ۴۴۱ اے تے قومی شاہراہ ۴۴ جیسا اہم ڈانچہ

منصوبہ مانہ شامل تھا یہ اہم منصوبہ علاقہ غی بہتر رابطہ کاری سے معاشی ترقی واسطے اہم ہیں۔ وزیر اعلیٰ نے وقت ورم کم مکمل کرن ور زور دتو، تے تمام متعلقہ اداران غے درمیان بہتر رابطہ غی ضرورت ور زور دتو تانجے تاخیر نہ وے تے منصوبہ اچھی طرح سنگ مکمل وین۔

SAMBA HAJJ

ضلع انتظامیہ سامبہ نے اج ۹۲ عازمینحج نانہ حج ۵۲۰۲ غ امقدس سفر واسطے ہری جھنڈی دس غے روانہ کیو اس قافلہ مانہ ۵۱ مرد تے ۴۱ خواتین شامل ہیں جن نانہ ضلع ترقیاتی کمشنر راجیش شرما غی نگرانی مانہ ضلع ہیڈ کوارٹر تو رخصت کیو گیو۔ سماجی بہبود محکمہ غاضلع افسر نواز شریف نے عازمین حج نانہ سفری انتظامات توں آگاہ کیو ان غی پرواز ۴ منی نانہ بین القوامی اندرا گاندھی ہوائی اڈہ نوی دہلی توں سعودی عرب غی طرف روانہ ہون آلی ہے۔ آکاشوانی گا خبراں آلا شعوبہ سنگگل کرتا واں زائرین نے انتظامیہ غی طرفوں فراہم کردہ مدد تے سہولیات بارے اس طرح کہیو۔

GYANPATH DESIGN

غا تعاون تیں MYGOV.IN یوم آزادی ۵۲۰۲ غی تقریبات غا سلسلہ مانہ وزارت دفاع تے گیان پتھ ور نقشہ بنان غو مقابلو منعقد کیو جارہیو ہے۔ یوہ مقابلو ایک منی تیں ۵۱ منی توڑی جاری رہ غو۔ اس مقابلہ گو مقصد نوجوانان تے عوام مانہ حب الوطنی گا جزیہ نانہ پیدا کرنو ہے شرکا ۶ نانہ لال قلعہ مانہ این سی سی کیڈٹس این ایس ایس رضاکاران تے سکول غا بچان غے زریعے ایسو نقشو یا خاکو بنانو چاہیے جس ور بچہ عمل کریں۔ پہلا ترے جتن آلاں نانہ ۰۱ ہزار روپیہ دتا جیں غا۔ ۰۵۲ بہترین شرکا نانہ یوم آزادی غی تقریب واسطے دعوت نامو لبے غو۔ شرکا نانہ درست ایمیل تے موبائل نمبر دینا وین گا تے ڈیزائن مانی گوو غی ہدایت غے مطابق ہونا چاہیے۔

GOC NEW COMMAND

لیفٹیننٹ جنرل پرتیک شرما ۱ منی توں شمالی کمان غا نوا جنرل آفیسر کمانڈنگ گو عہدو سنبھالان آلا ہیں واضع رہ جے وے لیفٹیننٹ جنرل ایم وی سوچیندراہ کمار غی جگہ لیں گا جنہاں نے اس عہدہ ور ۵۱ مہینہ غی مدت ملازمت مکمل کی ہے اس تیں پہلا اج لیفٹیننٹ جنرل کمار نے ادھمپور مانہ درو جنگی یادگار ور پھول چاڑیا تے بہادر دلاں غی عظیم قربانی نانہ خراج عقیدت پیش کرن واسطے تے ان غی اپنی ریٹائرمنٹ تے شمالی کماند غی اپنی کمان توں دستبردار ہون غے پیش نظر یوہ عمل کیو۔

12th RESULTS

جموں کشمیر بورڈ آف سکول ایجوکیشن نے اج ۲۱ وین جماعت غا سلاںہ امتحانات گا نتائج غو اعلان کیو ہے جس مانہ مجموعی طور ور پاس ہون غا تناسب 75 فی صد ریابیں طالبات نے ایک واری پھر نتائج مانہ گیران نانہ پچھلے چھوڑ دتو ہے یہ کامیابی خطہ مانہ طالبات غی مسلسل کامیابی نانہ نمایاں کرے پریس کانفرنس سنگ خطاب کرتا واں جے کے پوس غا سیکرٹری گلام حسن شیخ نے کج اس طرح کہیو۔

SUMMER CAMP POONCH

نوجوانان مانہ کھیڈ کود تے صحت مند طرز زندگی نانہ فروغ دین غا مقصد سنگپونچھ مانہ ایک مہینہ غا گرم موسم مانہ والی بال کھیڈ سکھان غو کیمپ غو آغاز کیو گیو شہید ڈی ایس پی منجیت سنگھ غی یاد گار والی بال کلب پونچھ غا زیر اہتمام اس موسم گرما کیمپ مانہ خواتین سمیت ۰۶ طالبات نے داخلو لیو ہے افتتاح غے دوران نوجوانان نانہ منفی اثرات توں دور رہن غی ترغیب دتی گئی تے فرد غ انظم غی تشکیل مانہ کھیڈاں غا کردار نانہ زندگی غو انتخاب کریں منشیات نی غاموضوع ور روشنی کھلی۔

WEATHER

محکمہ موسمیات نے ایک منی توڑی الگ تھلگ مقامات ور گرمی غی لہراں غے سنگ مجموعی طور ور گرم تے خشک موسم گی پیشین گوئی کی ہے ۱ منی توں ۶ منی توڑی گرج چمک تے تیز ہوا غے سنگ الگ تھلگ مقامات ور ہلکی بارش غو امکان ہے محکمہ نے لوکاں نانہ پانی پین تے ضروری احتیاطی تدابیر اختیار کرن گو مشورو دیتو ہے خاص طور ور ان علاقان مانہ جت زیادہ درجہ حرارت تے خشک حالات غو سامنو کرنو پووے۔ لوکاں نانہ مشورو دتو گیو ہے جے دوپہر ۲ بجے توں ۳ بجے توڑی گرمی گا وقت مانہ بار کم کاج کرن توں بچیں۔

HANDICRAFT

ٹیکسٹائل وزارت گا ترقیاتی کمشنر برائے دستکاری دفتر نے باوقار قومی دستکاری ایورڈ 2 ہزار 24 واسطے درخواست طلب کی ہیں یاد رہ جے اس سلسلہ مانہ 30 سال یا اس تیں متی عمر گا دستکار کھٹوں کھٹ 10 سالان گا تجربہ سنگ اس اعزاز واسطے درخواست جمع کراسکیں تے 50 سال یا اس تیں زیادہ غی عمر گا وے۔ دستکار جھپڑا 20 سالان گو تجربو رکھیں وے شیلیپ گرو اعزاز واسطے اہل ہیں یاد رہ جے اس سلسلہ مانہ کل 25 اعزاز دتا جنیں گا جن مانہ 6 شلیپ گرو اعزاز تے 19 دیگر قومی اعزاز گا زمرہ شامل ہیں۔ اس سلسلہ مانہ درخواست جمع کران گی آخری تاریخ 12 منی 2 ہزار 25 رکھی گئی ہے دلچسپی رکھن آلا دستکار دستکاری خدمت سینٹر اکھنور روڑ جموں سنگ رابطو کریں یا پھر مزید معلومات واسطے

ور جنیں۔ www.handicrafts.gov.in برائے راست ویب سائیٹ
